

詩經傳註卷五

小雅

谷風之什第二十

習習谷風維風及雨將恐將懼維予與女將安將樂女轉棄予○習習谷風維風及頽將恐將懼實予于懷將安將樂棄予如遺○習習谷風維山崔嵬無草不死無木不萎忘我大德思我小怨

兩女予韻頽懷遺韻嵬萎韻德怨叶韻德在職部爲蒸之入聲怨在願部爲元之去聲通韻謂蒸元兩界相通故叶也○序曰刺幽王也天下俗薄朋友道絕焉○風雨相及則潤澤行朋友同志則親愛成奈何怨懼之時則我恤安樂之時則我棄哉頽風之焚輪者也謂暴風從上來降也又以谷風與頽相扶而上興朋友二人相須而成也三章言東風生長至於山巔

朱可謂所

被者廣矣然至秋冬之閒尙無不死之草不萎之木况朋友久處豈無一言一事致起嫌怨者乎當念其大德共爲存恤而何今之不然也

谷風三章章六句

蓼蓼者莪匪莪伊蒿哀哀父母生我劬勞○蓼蓼者莪匪莪伊蔚哀哀父母生我勞瘁○餅之罄矣維罍之恥鮮民之生不如死之久矣無父何怙無母何恃出則銜恤入則靡至○父兮生我母兮鞠我拊我畜我長我育我顧我復我出入腹我欲報之德昊天罔極○南山烈烈飄風發發民莫不穀我獨何害○南山律律飄風弗弗民莫不穀我獨不卒

蒿勞韻蔚瘁韻恥矣恃至韻我韻而鞠畜育復腹亦韻重韻也德極韻烈發害韻律弗卒韻○序曰刺幽王也民人勞苦孝子不得終養爾○莪莪蒿也可食蓼蓼長大也長大則成蒿不可食矣以興子之不能終養亦徒長大而

無用也蔚亦蒿類一名馬薪蒿

陸疏

疊主於注餅餅盡是疊無以注之也故維

疊之恥興子主於養父母父母不得終養是子之恥也鮮寡也鮮民無父母之人也無父則無所依怙無母則無所倚恃出門銜憂入無所至蓋是時行役而歸悲痛之辭也鞠養也拊拊循也畜起也育覆育也顧視也復又視也腹懷抱也父母之德當報如昊天之無窮極也烈烈高峻貌發發疾貌律律峭拔貌弗弗摧逆之貌以山風之摧暴興遭際之酷烈也何害言何遭此害也不卒不終養也

蓼莪六章四章章四句二章章八句

有饒盭殮有球棘七周道如砥其直如矢君子所履小人所視瞻言顧之潛焉出涕○小東大東杼柚其空糾糾葛屨可以履霜佻佻公子行彼周行既往既來使我心疚○有冽沆泉無浸穫薪契契寤歎哀我憚人薪是穫薪尙可載也

哀我憚人亦可息也○東人之子職勞不來西人之子粲粲衣服舟人之子熊
羆是裘私人之子百僚是試○或以其酒不以其漿鞞鞞佩璫不以其長維天
有漢監亦有光跂彼織女終日七襄○雖則七襄不成報章睨彼牽牛不以服
箱東有啓明西有長庚有掇天畢載施之行○維南有箕不可以簸揚維北有
斗不可以挹酒漿維南有箕載翕其舌維北有斗西柄之揭

潛所姦反又山宴反
沈音軌鞞胡犬反

七矢履涕韻東空霜行韻來疚韻泉薪人韻載息韻去入回互也來音賚與
服韻亦去入回互也裘試韻長光漿襄韻章箱庚行韻揚漿韻舌揭韻○序
曰刺亂也東國困於役而傷於財譚大夫作是詩以告病焉○箋曰譚國在
東魯莊公十年齊滅之○饑滿簠殮熟食謂黍稷也球長貌棘七以棘爲七
所以載鼎肉而升之於俎也以賢主待賓客之禮厚興盛王懷諸侯之恩渥
也周道周室治平之道也如砥貢賦均平也如矢賞罰不偏也履履而行也

視視而供也

傳

睠顧出涕言盛王之政忽已往矣

箋

以起下文也小東大東

東方大小之國也杼持緯者軸受經者葛屨履霜貧也佻佻輕脆不耐勞苦

之貌公子譚公子也周行大路也既往既來供億頻數也

朱註

疾病也冽寒意

也側出曰汎泉穫落木也契契憂苦也

箋傳

載車載也憚勞也以穫薪不可浸

腐興勞人不宜困憊也職勞主於勞也不來不撫慰也舟人操舟之人也私

人私愛之人也皆指西人也試用也言苦樂不均羣小得志也韜韜長貌璫

瑞也漢天河也監視也跂隅貌織女三星鼎足如隅也襄駕也天有十二辰

次經星一日一周而有餘則自旦至暮更七辰也

箋傳

言東人或餽之以酒而

西人曾不以爲槩與之以韜然之佩璫而西人曾不以爲長維天之有漢則

庶乎有以監我而織女之七襄庶乎其能成文章以報我無所赴愬而求天

之恤也曉明星貌箱車箱也太白先日東出爲啟明後日西出爲長庚畢星

名狀如掩兔之畢接上章言織女牽牛皆無實用啟明長庚天畢亦但布施行列天且奈我何哉翕引也又言南箕不可以簸揚糠粃北斗不可以挹酌酒漿而箕引其舌反若有所吞噬斗西揭其柄反若有所挹取乎東是天不徒不恤我且若助西人而困我矣

朱註

箕斗在南方時箕在南而斗在北故言

南箕北斗也

疏

大東七章章八句

四月維夏六月徂暑先祖匪人胡寧忍予○秋日淒淒百卉具腓亂離瘼矣爰

憚旱聞曰朱註
改奚僭妄也

其適歸○冬日烈烈飄風發發民莫不穀我獨何害○山有嘉

卉侯栗侯梅廢爲殘賊莫知其尤○相彼泉水載清載濁我日構禍曷云能穀

○滔滔江漢南國之紀盡瘁以仕寧莫我有○匪鶉匪鳶翰飛戾天匪鱸匪鮪

潛逃于淵○山有蕨薇隰有杞檟君子作歌維以告哀

夏暑予韻淒腓歸韻烈發害韻卉梅尤韻濁穀韻紀有韻鳶天淵韻薇棧哀
韻○序曰大夫刺幽王也在位貪殘下國構禍怨亂並興焉○四月周正建
卯之月也六月建巳之月也徂至也言四月交夏六月則到暑矣以興時政
之炎酷也匪人謂人盡而爲神明也神明則靈何忍使我遭此亂禍乎卉草
腓病以興時政之摧殘也離憂瘼病爰於適之言亂必有所歸也左傳宣十
二年曰無怙亂詩云亂離瘼矣爰其適歸歸於怙亂者也烈烈猶栗烈也日
栗風發以興時政之削慘也侯維也山有美草而在栗梅之下取實者必踐
踏之興國有小民而居暴君之下培克者必暴虐之故言有位者皆廢爲殘
賊而曾不知其過也五章以泉水之猶有清濁反興侯國之並無一善而日
尋禍亂也六章以江漢之能綱紀南國興吳楚之將竊據鄰封也江漢在吳
楚封內故以爲興而王於畿內之封乃盡瘁以兵役之事使不自保何哉

箋

春秋而後王室卑吳楚彊詩人已早見其勢矣七章歎已不如魚鳥可以逃難也檮赤棘也以木猶得所興人不得所也

四月八章章四句

陟彼北山言采其杞偕偕士子朝夕從事王事靡盬憂我父母○溥天之下莫非王土率土之濱莫非王臣大夫不均我從事獨賢○四牡彭彭王事傍傍嘉我未老鮮我方將旅力方剛經營四方○或燕燕居息或盡瘁事國或息偃在牀或不已于行○或不知叫號或慘慘劬勞或栖遲偃仰或王事鞅掌○或湛樂飲酒或慘慘畏咎或出入風議或靡事不爲

傍布彭反

杞事母韻下土韻濱臣均賢韻彭傍將剛方韻息國韻牀行韻號勞韻仰掌韻酒韻議爲韻○序曰大夫刺幽王也役事不均已勞於從事而不得養其父母焉○偕偕彊壯貌言登山采杞以食者此偕偕之人朝夕無暇爲父母

憂也中國曰四海之內言循土而至於海濱皆王臣也大夫執政者也獨賢獨以我爲賢而役之也彭彭然不得息傍傍然不得已鮮善也將壯也旅同簪此章正言獨賢也鞅荷也掌捧也負荷捧持以趨走言促遽也傳出入風議謂無事而妄議人長短也末三章實指不均也

北山六章三章章六句三章章四句

無將大車祇自塵兮無思百憂祇自疢兮○無將大車維塵冥冥無思百憂不出于頤○無將大車維塵離兮無思百憂祇自重兮疢都禮反

塵疢韻質實回互之叶也冥頤韻離重韻○序曰大夫悔將小人也○通篇皆興也大車不可將百憂不可思興小人不可與也大車平地任載之車也疢病也傳頤同耿小明也在憂中耿耿然不能出也朱離猶蔽也重累也箋

無將大車三章章四句

明明上天照臨下土我征徂西至于亢野二月初吉載離寒暑心之憂矣其毒大苦念彼共人涕零如雨豈不懷歸畏此罪罟○昔我往矣日月方除曷云其還歲聿云莫念我獨兮我事孔庶心之憂矣憚我不暇念彼共人惓惓懷顧豈不懷歸畏此譴怒○昔我往矣日月方奧曷云其還政事愈蹙歲聿云莫采蕭穫菽心之憂矣自詒伊戚念彼共人興言出宿豈不懷歸畏此反覆○嗟爾君子無恆安息靖共爾位好是正直神之聽之介爾景福

亢音求

土野暑苦雨罟韻除莫庶暇顧怒韻奧蹙菽戚宿覆韻處與女韻息直福韻

○序曰大夫悔仕於亂世也○明明二句呼天而訴之也亢野荒遠之地

傳

周二月建丑月也初吉朔日也

傳

離歷也其人在朝之友也罟綱也除者丑

月與寅月接人事更始今以丑月晦日爲除夕是也

憚榮聞說

憚勞也

傳

奧同隩

卽堯典厥民隩也周正二月正堯時季冬日月方當隩處之候也

萬充宗說自詒

伊戚悔其冒亂世而仕也興言出宿夜臥不能安寢也君子卽共人也末二章懷念僚友因以戒之言雖安處於家無耽暇逸清靖恭敬以居位好善助正以接人庶可以感神求福不然亂世豈能免禍哉似吉辭而實危辭也

小明五章三章章十二句二章章六句○惲臬聞曰詩言月者惟豳風用夏正餘皆周正也六月棲棲卽周之六月也於詩中求其爲夏正六月無所據也十月之交周十月也於詩中求其爲夏正十月亦無所據也四月維夏建卯之月春秋所書夏四月是也此詩二月初吉周二月卽建丑月也觀後文云歲聿云莫采蕭穫菽夫采蕭穫菽周之十月十一月事卽夏之八九月也而已爲歲暮其爲周正無疑矣不然周詩而用夏正是不遵王也生今反古也豈可也哉

鼓鐘將將淮水湯湯憂心且傷淑人君子懷允不忘○鼓鐘喈喈淮水潋潋憂心且悲淑人君子其德不回○鼓鐘伐鼗淮有三洲憂心且妯淑人君子其德不猶○鼓鐘欽欽鼓瑟鼓琴笙磬同音以雅以南以籥不僭

喈音皆潋戶皆反

將湯傷忘韻喈潋悲回韻鼗洲妯韻欽琴音南僭韻○序曰刺幽王也○

按幽王卽不德未有無事而遠至淮上以作樂者豈如昭王之南征巡狩至

淮因爲流連之樂歟○奏樂言鼓鐘者左傳謂之金奏先擊金以奏諸樂也

疏將將聲也喈喈猶將將也鼗同臬大鼓也

傳淮水出桐柏山東會於泗沂

東入於海

禹貢

湯湯水盛也潋潋水流也三洲水落而洲見也言久於淮上也

蘇氏

故爲之憂傷而思古之淑人君子也妯動也

傳

懷允不忘言中懷誠信無

有愆忘以至荒淫也回邪也猶若也

傳

謂不若今之荒亂也欽欽謂使人聞

之而樂進於善也琴瑟堂上之樂也笙磬堂下東方之樂也同音四縣皆同

也傳雅二雅也南二南也

朱註

以箛者周禮箛章凡國祈年於田祖歛爾雅是

吹箛以聲二雅也左傳見舞象箛南箛者是執箛以舞二南也

衆聞說

蓋箛者

吹以合樂執以爲舞雅南皆用之也節奏得宜故曰不僭此承淑人君子而言其用樂不亂以刺今之不然也

傳

鼓鐘四章章五句

楚楚者茨言抽其棘自昔何爲我蓺黍稷我黍與與我稷翼翼我倉既盈我庾維億以爲酒食以享以祀以妥以侑以介景福○濟濟跄跄絜爾牛羊以往烝嘗或剝或亨或肆或將祝祭于祊祀事孔明先祖是皇神保是饗孝孫有慶報以介福萬壽無疆○執爨蹠蹠爲俎孔碩或燔或炙君婦莫莫爲豆孔庶爲賓爲客獻酬交錯禮儀卒度笑語卒獲神保是格報以介福萬壽攸酢○我孔熯矣式禮莫愆工祝致告徂賚孝孫苾芬孝祀神嗜飲食卜爾百福如幾如式既

齊既稷既匡既敕永錫爾極時萬時億○禮儀既備鐘鼓既戒孝孫徂位工祝致告神具醉止皇尸載起鼓鐘送尸神保聿歸諸宰君婦廢徹不遲諸父兄弟備言燕私○樂具入奏以綏後祿爾敎既將莫怨具慶既醉既飽小大稽首神嗜飲食使君壽考孔惠孔時維其盡之子子孫孫勿替引之

棘稷翼億食福韻踰羊嘗亨將祐明皇饗慶疆韻蹈碩炙莫客錯度獲格福酢韻愆孫韻食式稷敎極億韻備戒告止起歸遲私韻告者兩界之通也奏祿韻去入回互也將慶韻首考韻盡引韻○序曰刺幽王也政煩賦重田萊多荒饉饑降喪民卒流亡祭祀不饗故君子思古焉○正義曰言民除草以種黍稷收之而盈倉庾王者得爲酒食獻之宗廟總言祭祀之事其享妥侑皆主人身之所行也二三章言助祭者各供其職爰及執爨有俯仰之容君婦有清淨之德俎豆肥美獻酬得法以事鬼神報以多福四章言孝子恭敬

無愆神嘏以福五章祭事既畢告尸利成卒章言祭之末私燕同族六章之文皆次唯三章獻酬笑語當處嘏辭工祝致告之下文在先者以獻酬是賓客事因說羣臣助祭而連及耳○楚楚蒺藜貌蒺藜也蒺言楚楚棘言抽互辭也凡言我者皆詩人設辭或托於君或托於臣或詩人自附隨文解之不必拘也與與翼翼蕃廡貌露積粟日庾周語云野有庾積是也十萬曰億享獻以祀先祖謂晨裸朝踐也安安也卽特牲饋食尸升入卽席坐主人拜安尸也侑勸飽也卽少牢饋食尸告飽主人不言拜侑也蓋大祭禮事神初裸酒於地以降神繼宰牲以薦腥繼饌烹以薦熟謂之朝踐繼鼎俎鉶羹黍稷以饋食終加籩豆以醕約有五節介助也濟濟蹵蹵有容也曲禮曰大夫濟濟士蹵蹵絜清淨也冬祭曰烝秋祭曰嘗不言祠禴者舉盛言也剝解其皮也亨煑熟也肆陳其骨體貴賤於俎也將奉持而進也如少牢佐食上利

執羊俎下利執豕俎是也祊廟門內也平生待賓客之處孝子不知神之於
彼於此故使祝博求之也明日繹祭則祝於門外禮器曰爲祊於外是也皇
大保安本其生存謂之祖言其精氣謂之神一也郊特牲云祭稱孝孫孝子
以其義稱也謂祭主於孝也爨有二饗爨以煮肉廩爨以炊米踏踏爨竈有
容也燔燔肉炙炙肝卽特牲主人醑尸獻酒賓長以肝從主婦亞獻兄弟以
燔從者也君婦后也莫莫清淨而敬至也庶衆也爲豆孔庶者如周禮醢人
朝事之豆其實韭菹醢昌本廩醢菁菹鹿醢茆菹廩醢餽食之豆其實葵
菹羸醢脾析醢醢蜃醢豚拍魚醢加豆之實芹菹兔醢深蒲醢醢箔菹雁
醢荀菹魚醢羞豆之實醢食糝食皆后所主也賓客助祭者也東西爲交邪
行爲錯卒盡也獲得時也主人酌賓爲獻既酌主人主人又自飲酌賓曰酬
至旅而爵交錯以徧又古者於旅也語酢報也煖敬也傳善其事曰工賚予